

KERATAN AKHBAR

TARIKH : 17 JANUARI 2023
AKHBAR : HARIAN METRO
MUKA SURAT : 26

Eksport, import negara diunjur berkembang: MIDF

Eksport, import negara diunjur berkembang: MIDF

Kuala Lumpur: Pembukaan semula sempadan China dilihat sebagai pemangkin untuk aktiviti perdagangan luar dan pelancongan Malaysia, kata MIDF Research.

Dalam laporan penyelidikannya semalam, ia mengunjurkan eksport dan import Malaysia berkembang masing-masing sebanyak 9.2 peratus dan 9.5 peratus untuk tahun 2023 berbanding 27.1 dan 32 peratus, pada 2022.

"Ratifikasi Per-kongsian Ekonomi

Komprehensif Serantau (RCEP) pada Mac 2022 dan Perjanjian Komprehensif dan Progresif bagi Perkongsian Trans-Pasifik (CPTPP) pada Oktober 2022 akan meningkatkan prestasi perdagangan luar Malaysia untuk 2023 dan tahun-tahun seterusnya," kata MIDF.


Pertumbuhan import China khususnya dijangka meningkat secara berterusan untuk menyokong aktiviti ekonomi tempatan yang bertambah baik, katanya.

Bagaimanapun,

pertumbuhan eksport dijangka mengalami beberapa cabaran berikutan permintaan global yang lemah akibat kesan dasar monetari yang semakin ketat, katanya.

"Pada masa hadapan, jangkakan pasaran dan Bank Dunia meramalkan pemulihan ekonomi China dengan pertumbuhan keluaran dalam negara kasar (KDNK) melebihi empat peratus," katanya.

Kesan daripada langkah yang kurang ketat boleh dilihat dalam aliran bulan ke bulan dalam prestasi perdagangan luar China, kata MIDF.



Pertumbuhan import
China khususnya
dijangka meningkat
secara berterusan